

BERDAÐ NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DiARIC

DI ARUBA Bo Matutino Netamente Arubiano



Lesá pagina no.19
pa un regalo pa
bo MAMACITA



DIARANZON 4 MEI 1988

ABONADO PA LUNA 15,00 FLS. * EJEMPLAR 0,60

AÑA 8, No. 2275

Casa Del Mar cla pa fin di aña PAGINA 8



Punto mas alto segundo fase a worde alcanza

Casa Del Mar lo ta cla pa ricibi turistanan na fin di aña

Emirto De Cuba: cu yudanza di hopi hende a alcanza exito

ORANJESTAD(AAN)--

Siman pasa otro punto importante a worde alcanza den historia di Sun Development. E punto mas alto di e proyecto Casa Del Mar Segundo Fase a worde alcanza. "Orguyoso pasobra cu yudanza di hopi hende y instancianan nos proyectonan tur ta exitoso." Emirto de Cuba a bisa, manifestando asina e pensamentonan di Sun Development.

Spantenbier a worde ofreci siman pasa pa Sun Development, cu a registra otro logro ora e edificio di Casa del Mar, Segundo Fase, a alcanza e punto mas alto.

Den su discurso, Emirto de Cuba a trece dilanti, cu na November aña pasa, e compania a celebra Spantenbier na Playa y a penas 6 luna despues, atrobe e por felicita Albo pa e hecho cu e proyecto Segundo Fase di Casa del Mar a yega su punto mas alto.

Mustrando ariba e bon trabao, cu ta garantiza pa hopi tempo, e dirigente di Sun Development a mostra cu tanto Playa Linda comol Casa Del mar lo ta cla pa ricibi su miembronan y turistanan durante e proximo temporada turistico.

El a mostra cu Sun Development ta orguyoso, pasobra cu yudanza di hopi hende y instancia tur proyec-

to tabata existoso, tanto den construccion como venta y operacion. Orguyoso tambe, pasobra e por a declara cu e compania lo sigui bay dilanti cu mas proyecto bon planca y bon administra.

Na Augustus lo cuminsa cu construccion di 40 camber mas pa Casa del Mar. E extension aki lo bini pa Noord di caminda. E ora Casa del Mar lo tin un total di 147 suites di cual 107 lo tin dos dormitorio.

Na fin di aña tur cos lo ta cla pa cuminsa pa cuminsa cu un proyecto completamente nobo, cu lo bira Crystal Beach Resort, cu lo consisti di 150 unidad, di cual casi tur lo tin dos dormitorio. E proyecto aki lo worde construi pa Noord di Manchebo.

Mientras Sun Development ta orguyoso di e logronan, Emirto de Cuba a mostra cu pa por realiza tur e proyectonan aki, mester sigui conta cu cooperacion di parti di Gobierno y su instancianan y cu dedicacion completo di tur hende den e organisacion.

El a gradici y felicita e Ar-

chitect, Associated Architects Aruba N.V., consehero tecnico, Polytechnisch Ingenieursbureau NV,

supervision y direccion di proyecto, cu a worde construi cu Albo NV como contratista principal, y tur sub contratis-

ta cu tabata envolvi den e proyecto y especialmente e trahadornan local pa nan trabao.